

**AKSIYADORLIK TIJORAT “ALOQABANK”
BAYONOMA**

2026-yil “16” aprel

Andijon shahri

Raislik qiluvchi: AT “Aloqabank” Andijon HKXKM direktori J.G’aniyev
Ma’ruzachilar: P.Umarov – Komplaens nazorat boshqarmasi menejeri.
N.Sadikova – Markaz ish yuritish sho’basi boshlig’i
Ishtirok etdilar: AT “Aloqabank” Andijon HKXKM xodimlari

KUN TARTIBI:

**“Banklarda korrupsiyaga qarshi kurashish va uni oldini olish hamda
Manfaatlar to’qnashiviga yo’l qo’ymaslik masalalari”**

Yig’ilishni AT “Aloqabank” Andijon HKXKM direktori J.G’aniyev ochib berdi va quyidagilarni bayon qildi:

“Hurmatli hamkasblar! Bugungi kunda, har bir soha va tarmoq xodimlarining o’z ishiga nisbatan sitqidildan yondashuvi, o’zlariga yuklatilgan vazifalarni birinchi navbatda halollik va adolat mezonlari ta’mayillari asosida bajarishlari hal qiluvchi o’rin tutadi, desak mubolag’a qilmagan bo’lamiz.

Mazkur davra suhbatida ishtirokchilarning diqqat-e’tibori bank tizimida korrupsiya, ta’magirlik va poraxo’rlik kabi zararli illatlarga qarshi kurashishda o’zaro hamkorlik qilish masalalariga qaratish maqsadga muvofiq bo’ladi deb o’z so’zlarini yakunlab keyingi ma’ruzachi Parvizjon Umarovga so’z navbatini berdi.

P.Umarov:

Assalomu alaykum hamkasblar! O’zbekiston Respublikasining "Korrupsiyaga qarshi kurashish to’g’risida”gi Qonunida korrupsiya — shaxsning o’z mansab yoki xizmat mavqeidan shaxsiy manfaatlarini yoxud o’zga shaxslarning manfaatlarini ko’zlab moddiy yoki nomoddiy naf olish maqsadida qonunga xilof ravishda foydalanishi, xuddi shuningdek, bunday nafni qonunga xilof ravishda taqdim etishdir.

Iqtisodiyotning muhim bo’g’ini bo’lmish bank-moliya tizimidagi korrupsiya holatlariga qarshi kurashish, bunday salbiy holatlarning oldini olish, kelib chiqish sabablarini tahlil qilish, bu boradagi korrupsiogen omillarni bartaraf etish masalalari dolzarblik kasb etib, boshqa sohalarda korrupsiyaga qarshi kurashishning muvaffaqiyatiga bevosita ta’sir ko’rsatadi.

Manfaatlar to’qnashuvi bu korrupsiyaning kelib chiqishidagi omillardan biri hisoblanib, bir-biriga bo’ysunuvchi lavozimlarda o’zaro yaqin qarindoshlarning ishlashi beixtiyor manfaatdorlik keltirib chiqaradi.

Bank faoliyatidagi korrupsiya turli shakllarda, jumladan, poraxo’rlik, pul yuvish, xarid jarayonidagi savdolari va manfaatlar to’qnashuvida namoyon bo’lishi mumkin.

AT “Aloqabank” da axloqiy xulq-atvorni targ’ib qilish va korrupsiyaning oldini olish borasidagi sa’y-harakatlarining asosi sifatida “Korrupsiyaga qarshi kurash

siyosati” qabul qilgan bo‘lib, bu aniq xulq-atvor qoidalarini belgilash va mavjud qoidalarni amalga oshirishda muhim rol o‘ynaydi.

Banklarning korrupsiyaga qarshi kurashish tizimining asosiy vazifalari quyidagilar:

- Bankda korrupsiyaga qarshi kurashish printsiplari va qoidalarini joriy etish;
- bankning, shuningdek, ularning xodimlarini korrupsiyaga qarshi kurashish va uning faoliyatiga jalb qilish xavf-xatarlarini kamaytirishga qaratilgan samarali mexanizmlar, tartib-taomillar, nazorat va boshqa choralarni yaratish;
- Bank xodimlari o‘rtasida korrupsiyaga qarshi kurashishning yagona standartini, shu jumladan korrupsiyaning barcha ko‘rinishlariga toqatsizlikni shakllantirish;
- Bank faoliyatining barcha darajalarida korrupsiyaga qarshi kurashish printsiplarini strategik va operatsion boshqaruvga integratsiya qilish;
- Bank xodimlari, mijozlari, homiylari, aksiyadorlari, investorlari va boshqa shaxslar o‘rtasida mazkur Siyosat tamoyillari to‘g‘risida umumiy tushuncha hosil qilish;
- bank boshqaruv organlariga korrupsiyaga qarshi kurashish bo‘yicha olib borilgan jinoyatlar va chora-tadbirlar to‘g‘risida axborot berish;
- korrupsiyaga qarshi huquqbuzarlik uchun javobgarlik choralarni qo‘llashdan iborat ekanligini takidlab o‘tdi hamda seminar ishtirokchilariga “Korrupsion huquqbuzarliklar” to‘g‘risida taqdimot va ijtimoiy roliklar ko‘rsatish orqali o‘z ma‘ruzasini yakunlab, so‘z navbatini Sadikova Nodiraga berdi.

N.Sadikova:

Bugungi kunda Korrupsiya murakkab ijtimoiy hodisa bo‘lib, unga qarshi kurashish uchun alohida choralarni qo‘llashdan tashqari, ushbu faoliyat kompleks-majmuaviy tarzda amalga oshirilishi, faoliyatning maqsadi va obykti sifatida alohida olingan korrupsioner emas, balki ushbu hatti-harakatlarni amalga oshirishga sharoit yaratib beruvchi omillarni bartaraf qilishda namoyon bo‘ladi.

Shuningdek bugungi tadbirda bank xodimlari faoliyatlarida lavozim yo‘riqnomalariga qat‘iy rioya etish, bank mijozlari, tadbirkorlar va omonatchilarning xaq-xuquqlari poymol qilinishiga mutlaqo yo‘l qo‘ymaslik, mehnat intizomi, ichki ish-tartib qoidalari, “Odob-axloq qoidalari” normalariga qat‘iy va og‘ishmay rioya qilish, korrupsiyaviy holatlarning har qanday turiga yo‘l qo‘ymaslik, ta‘magirlik va poraxo‘rlikka qarshi keskin kurash olib borish, salbiy illatlarga batamom chek qo‘yish lozim debo‘z ma‘ruzasini yakunladi.

Ma‘ruza yakunida ishtirokchilar tomonidan ularni qiziqtirgan savollar berildi. Tinglovchilar berilgan savollarga to‘liq javob berilgach, AT “Aloqabank” Andijon HKXKM direktori J.G‘aniyev bank tizimida yuzaga kelishi mumkin bo‘lgan korrupsiya holatlarini oldini olish bo‘yicha korrupsiyani oldini olish masalalariga bag‘ishlangan maxsus seminar va davra suxbatlarini olib borish, olib borilayotgan siyosatning banklar tomonidan qo‘llab-quvvatlanishi sohani tubdan sog‘lomlashtirishga yordam berishiga ishonamiz degan jumlar bilan yakunladi.

Yuqoridagilardan kelib chiqib, yig'ilish

Q A R O R Q I L A D I:

1. Yig'ilish raisi J.Ganiyev yfmda ma'ruzachi P.Umarovning nutqi ijro va nazorat uchun qabul qilinsin.

2. Andijon HKXKM Kredit komissiyasi, Kredit bo'limi xodimlari shuningdek, mijozlarga bevosita xizmat ko'rsatadigan barcha mas'ul xodimlar zimmasiga kredit rasmiylashtirish, buxgalteriya, kassa, valyuta, chakana xizmatlar amaliyotlarini bajarish, xodimlarni ishga qabul qilishda amaldagi normativ hujjatlar talablariga qat'iy rioya qilish, qonunbuzarlik holatlariga yo'l qo'ymaslik, xodimlarning bilim va malakasini oshirish borasida muntazam o'z ustida ish olib borish vazifasi yuklatilsin.

3. Barcha bo'lim boshliqlari va markaz direktorlari zimmasiga:

- o'z xodimlarining hatti-harakati nazorat qilish, ularning ish jarayonida bandligini ta'minlash, mijozlar bilan munosabatlarini sinchkovlik va shaffoflik bilan tahlil qilib borish;

- xodimlarning ishga bo'lgan ma'suliyatini oshirish, ular tomonidan mijozlarga xizmat ko'rsatishlarida qiyinchilik tug'dirmaslik, masalalarning yechimini topishda ko'maklashish, shuningdek, mijozlarning murojaatlarini o'z vaqtida va har tomonlama ko'rib chiqilishini ta'minlash va nazorat qilish;

- qo'l ostidagi xodimlarining professional o'sishiga ko'maklashish maqsadida bilim va malakalarini oshiruvchi texnik o'qishlar o'tkazib borish vazifalari yuklatilsin.

4. Jismoniy xavfsizlikni ta'minlash sho'basi yetakchi menejeri (A.Abdumajidov) zimmasiga:

- ish vaqtida barcha xodimlarning hatti-harakatlarini qat'iy nazorat qilishni kuchaytirish;

- aniqlangan har bir holat bo'yicha markaz rahbariyatini oldindan xabardor qilish;

- o'z xizmat vazifasiga nisbatan mas'uliyat va e'tibor bilan yondashish vazifalari yuklatilsin.

5. Ish yuritish sho'basi boshlig'i (N.Sodikova) zimmasiga xodimlar tomonidan "Ichki mehnat tartibi qoidalari" hamda "Bank xodimining kasb odob-ahloqi Kodeksi" ga rioya qilinishini nazorat qilish vazifasi yuklatilsin.

6. Yuridik xizmat sho'basi boshlig'i (U.Shukurullayev) zimmasiga:

- bankda rasmiylashtirilayotgan barcha hujjatlarning qonuniyligini nazorat qilish;

- bank bilan mijoz, ish beruvchi bilan xodim o'rtasidagi munosabatlarni qonuniy tahlil qilish;

- har chorakda korrupsiyani oldini olish maqsadida xodimlar kesimida o'qishlar va chora-tadbirlar olib borish;

- fuqarolardan kelgan murojaatlarga o'z vaqtida qonuniy javob berish vazifalari yuklatilsin.

7.Ushbu yig'ilishning qarori talablari va vazifalarini bajarmagan xodimlarga nisbatan O'zbekiston Respublikasi Mehnat Qonunida ko'rsatilgan (181,100-

moddalar) mehnat shartnomasini bekor qilishgacha bo'lgan qat'iy choralar qo'llansin.

Yig'ilish qarori ijrosi yuzasidan nazorat Andijon Hududiy kompleks xizmatlar ko'rsatish markazi direktori J.Ganiyev imzasiga yuklatilsin.

Yig'ilish raisi

Yig'ilish kotibi:



J.G'aniyev

M.Sadikova